

Shirku dhe llojet e tij

الشرك وأنواعه

< Shqip – Albanian – ألباني >



Abdullah Ahmed El-Huvejl

عبد الله بن أحمد الحويل



Përktheu: Jusuf Kastrati

ترجمة: يوسف كاستراتي

SHIRKU DHE LLOJET E TIJ

PËRKUFIZIMI:

Fjala *shirk* (شرك) gjuhësisht domethënë *ortakëri*.

Kurse në terminologjinë fetare *shirk* domethënë: *T'i përshkruash dikuajt tjetër pos Allahut diçka që është e veçantë për Allahun.*

LLOJET E SHIRKUT:

1. Shirk i madh (شرك أكبر):

Çdo gjë që në sheriat quhet shirk dhe e nxjerr njeriun nga feja është shirk i madh.

2. Shirk i vogël (شرك أصغر):

Çdo punë, qoftë fjalë a vepër, që në sheriat quhet shirk ose kufër, por që nga argumentet e sheriatit kuptohet që nuk e nxjerr njeriun nga feja, është shirk i vogël.

DALLIMI NDËRMJET SHIRKUT TË MADH DHE ATIJ TË VOGËL:

Shirku i madh	Shirku i vogël
E nxjerr njeriun nga feja.	Nuk e nxjerr njeriun nga feja.
Ai që bie në të mbetet përherë në Xhehenem.	Nuk mbetet përherë në Xhehenem, edhe nëse hyn në të.
I shkatërron të gjitha veprat.	Nuk i shkatërron të gjitha veprat, por vetëm ato që i shoqëron ai.
E bën të lejuar gjakun dhe pasurinë e atij që bie në të.	Nuk e bën të lejuar gjakun dhe pasurinë e atij që bie në të.

LLOJET E SHIRKUT TË MADH

Shirku i madh është katër llojesh:

1. Shirku i thirrjes, lutjes (شرك الدعوة):

Argument për këtë është thënia e Allahut:

﴿فَإِذَا رَكِبُوا فِي الْفُلِكِ دَعَوْا اللَّهَ مُخْلِصِينَ لَهُ الدِّينَ فَلَمَّا نَجَّاهُمْ إِلَى الْبَرِ إِذَا هُمْ يُشْرِكُونَ﴾¹

﴿Kur hipin në anije, ata i luten Allahut me devotshmëri të sinqertë, por kur Ai i sjell në tokë shëndoshë e mirë, menjëherë ata i veshin Atij ortakë (në adhurim).﴾¹

2. Shirku i nijetit, dëshirës dhe synimit (شرك النية والإرادة والقصد):

Argument për këtë është thënia e Allahut:

﴿مَنْ كَانَ يُرِيدُ الْحَيَاةَ الدُّنْيَا وَزِينَتَهَا نُوَفِّ إِلَيْهِمْ أَعْمَالَهُمْ فِيهَا وَهُمْ فِيهَا لَا يُبْخَسُونَ﴾¹⁵ ﴿أُولَئِكَ الَّذِينَ لَيْسَ لَهُمْ فِي الْآخِرَةِ إِلَّا الْتَارُ وَحِطٌ مَا صَنَعُوا فِيهَا وَبِطُلُّ مَا كَانُوا يَعْمَلُونَ﴾¹⁶

﴿Atyre që duan jetën e kësaj bote dhe bukuritë e saj, Ne do t'ua shpërblejmë krejtësisht punët e tyre dhe në të nuk do t'u lihet gjë mangët. Këta janë ata për të cilët në botën tjetër nuk do të ketë kurrgjë, përveç Zjarrit. Do t'u shembet çdo gjë që kanë bërë në këtë jetë dhe do t'u zhvlerësohet ajo që kanë punuar.﴾²

3. Shirku i bindjes (شرك الطاعة):

Argument për këtë është thënia e Allahut:

﴿اتَّخَذُوا أَجْدَارَهُمْ وَرَهْبَنَهُمْ أَرْبَابًا مِّن دُونِ اللَّهِ وَالْمَسِيحَ ابْنَ مَرْيَمَ وَمَا أُمِرُوا إِلَّا لِيَعْبُدُوا إِلَهًا وَاحِدًا لَا إِلَهَ إِلَّا هُوَ سُبْحَنَهُ عَمَّا يُشْرِكُونَ﴾³¹

﴿Në vend të Allahut, ata kanë zgjedhur për zot rabinët dhe murgjit e tyre, si dhe Mesinë, të birin e Merjemes, ndërkohë që janë urdhëruar të adhurojnë vetëm një Zot, përveç të Cilit nuk ka tjetër që meriton të adhurohet. I lartësuar qoftë Ai mbi gjithçka që ia shoqërojnë (në adhurim).﴾³

¹ Sureja el-ankebutë, 65.

² Sureja Hud, 15, 16.

³ Sureja et-teube, 31.

Komentimi i drejtë i këtij ajeti:

Këtu është për qëllim bindja ndaj dijetarëve dhe murgjve në mëkatim e jo lutja që u bëhet atyre, siç ia komentoj këtë i Dërguari ﷺ Adij ibën Hatimit, Allahu qoftë i kënaqur prej tij, kur ai i tha të Dërguarit ﷺ: “Po ne nuk i adhurojmë ata”. I Dërguari ﷺ i tregoi atij se bindja që u bëhet atyre në mëkatim ndaj Allahut është adhurim ndaj tyre.⁴

4. Shirku i dashurisë (شرك المحبة):

Argument për këtë është thënia e Allahut:

﴿وَمِنَ النَّاسِ مَن يَتَّخِذُ مِن دُونِ اللَّهِ أَندَادًا يُحِبُّونَهُمْ كَحُبِّ اللَّهِ﴾

«E megjithatë, disa njerëz zgjedhin (për të adhuruar) në vend të Allahut (zota) të tjerë, (duke i konsideruar) si të barabartë me Atë dhe duke i dashur siç duhet Allahu.»⁵

SHEMBUJ TË SHIRKUT TË MADH DHE ATIJ TË VOGËL**Shembuj të shirkut të madh:****a. Shirk i madh i dukshëm (شرك أكبر جلي):**

Therja e kurbanit për dikë tjetër pos Allahut, zotimi për dikë tjetër përveç Allahut, kërkimi i ndihmës nga dikush tjetër pos Allahut etj.

b. Shirk i madh i fshehtë (شرك أكبر خفي):

Shirku i munafikëve dhe syefaqësia e tyre, po ashtu frika e fshehtë, e cila në arabisht quhet *hauf'us-sirr* (خوف السر), që është frika nga dikush tjetër pos Allahut në ato gjëra që mund t'i bëjë vetëm Allahu.

Shembuj të shirkut të vogël:**a. Shirk i vogël i dukshëm (شرك أصغر جلي):**

Betimi në dikë tjetër pos Allahut, thënia “ç’farë do Allahu dhe ti”, thënia “po të mos ishte Allahu dhe filani” etj.

⁴ Hadithin e shënon Tirmidhiu, nr. i hadithit 3094.

⁵ Sureja el-bekare, 165.

b. Shirk i vogël i fshehtë (شرك أصغر خفي):

Syfaqësia e paktë, oguret e zeza etj.

Dua e dobishme për t'u mbrojtur nga shirku

Nga Ebu Musa, Allahu qoftë i kënaqur prej tij, përcillet të ketë thënë: Një ditë na ligjëroi i Dërguari i Allahut ﷺ duke thënë: *“O njerëz! Ruajuni këtij shirku, sepse ai është më i fshehtë se fërkemi i milingonës!”* Atëherë, deshi Zoti që dikush të pyesë: *“Si të ruhemi prej tij, kur qenka më i fshehtë se fërkemi i milingonës?”* I Dërguari i Allahut ﷺ tha: *“Thoni: Allahu ynë, ruana nga shirku që e dimë dhe falna atë që nuk e dimë.”* [Këtë hadith e shënon Ahmedi, kurse Albani e vlerëson si “hasen” (të mirë).]

